

Vergil Aeneid 2.1-9

Conticuere omnēs intentīque ōra tenēbant.

inde torō pater Aeneas sic orsus ab altō:

“infandum, rēgīna, iubēs renovāre dolōrem,

Troiānās ut opēs et lāmentābile regnum

eruerint Danaī, quaeque ipse miserrima vīdī

et quōrum pars magna fuī. quis tālia fandō

Myrmidonum Dolopumve aut dūrī mīles Ulixī

temperet ā lacrimīs? et iam nox ūmida caelō

praecipitat suadentque cadentia sīdera somnōs.